

COMUN: Incuntades dla junta y dl consëi de comun cun la popolaziun:  
San Martin: lönesc, 11 de ma 2026 dales 20.00 tl salf dl Istitut Ladin  
Lungiarü: mercuri, 20 de ma dales 20.00 tl salf manifestaziuns Giovanni Costa

### PLOANIES SAN MARTIN Y LUNGIARÜ

Tl mëis de ma él sö Oies dal dedolönesc ala domënia  
dales 15.30: Corona de ma  
dales 16.00: Mëssa  
do mëssa: adoraziun eucaristica cun meditaziun mariana

En dedemesaledema, ai 6 d'auri, dales 20.00 tla dljia da La Val ora de oraziun  
por interzesciun de siur Heinrich Videsott cun esposiziun dl santiscim.

Preparaziun dl Bato la sabeda, ai 09 de ma, dales 15.00 ales 17.00 a Al Plan tl  
local de colonia. Prëibel prenotesse pro Lucia 334 32 00 396.

I/les seniors/es da Lungiarü y da San Martin y Antermëia é inviá/des le mercuri, ai  
27 de ma, ala jita al Achensee (Tirol). Le bus pëia ia da Lungiarü dales 7.00 (da  
San Martin dales 7.15). Por le iade él da paié 30 €. La marëna se paia vignun  
instës. Prëibel prenotesse pro Renate 342 32 79 406 cina ai 10 de ma.

La Uniun di Ēi Val Badia (KMB) inviëia düc i ëi y i jogn ala prozesciun cun linternes  
o ciandëres che vignun dess se tó do en mercuri, ai 13 de ma, dales 21.00 da  
Neustift a Porsenú. Anunziesse pro Leo Crepaz 348 40 96 351 cina ai 10 de ma.

Prëibel recordësse da sotescri tla detlaraziun dl davagn la destinaziun dl 8/1000  
ala Dlijia Catolica. I pensioná che n'á nia bria da fá la detlaraziun dl davagn pó  
firmé le model CU y le dé sö por posta tles copertes ch'i ciafëis apé de dljia o sön  
la scafa di libri.

-----

LUNGIARÜ: La Uniun dles Ēres Lungiarü mët a jì por dötes les interessades/düc i  
interessá n curs de LNB Motion - ginastica posturala cun Marisa Clara vigni  
mercuri dai 6 de ma al 1 de messé dales 18.15 ales 19:15 por 8 iadi (impede ai 13  
de ma vëgn le curs tigní jöbia ai 14 de ma) tla palestra da Lungiarü. Le cost é de  
85 € pomom. Por infos y iscriziuns to sö contat cun Marisa 340 27 56 166.

-----

Le Consëi de formaziun y le KFS inviëia al referat „Limiti e divieti in adolescenza“  
cun le dott. Giuseppe Maiolo en jöbia, ai 7 de ma, dales 19.30, tl Istitut Ladin.

Cëna cun n teater criminal olache le publich é invié da stomé chë che é l'assassin,  
ai 8 de ma, dales 19.00, a Corvara, info y prenotaziuns: Sonia 349 15 88 485;  
ai 9 de ma, dales 19.00, a Al Plan, info y prenotaziuns: Barbara 333 96 71 108.

Le Museum de Tor inviëia ala presentaziun dl liber „Ciastel de Tor: Families y  
descendënzes“ de Irma Trebo en sabeda, ai 09 de ma, cun renfrësch y vijites  
menades fora por le ciastel.

Le Consëi de Formaziun d'Al Plan y Zicuta Lab mët a jì na incuntada con Georg  
Trebo che manajëia l'Urt da Ras - verzöra d'Al Plan. Al gnará baié de co arjigné ca  
l'urt, somené y co fá por fá crësce de pices plantes. I s'incuntun sön la gran plaza  
dai auti sö Ras, en sabeda, ai 09 de ma, dales 10.00 ales 12.00.



## Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net  
curat don Marco Veghini - pfarrei.ploania@protonmail.com  
redaziun: anton.gasser@rolmail.net - 348 27 44 517 / 0474 523194

### 03.05.26 - 10.05.26 n. 23

*termo por comunicaziuns: jöbia, dales 20.00*

## 5ª DOMËNIA DE PASCA - A

### Vangele do san Jan 14,1-12

Te chël tëm্প à Gejù dit a sü discepui: Osc cör ne se lasces nia turbè.  
Cherdede te Dî y cherdede te mè! Tla cíasa de mi Pere él tröpes abitaziuns.  
Sc'ara ne foss nia insciö, ves essi dit dailò: I va a ves arjigné ca n post?  
Canch'i sarun jü y ves arà arjigné ca n post, vëgni indô, y i ves condüji  
da mè, por ch'i sëise incé os, olache iö sun. Y olache iö va – chël tru  
conescëise pö. Tomesc ti à dit: Signur, i ne savun nia olache te vas.  
Cô désson pa spo conësse le tru? Gejù ti  
à dit: Iö sun le tru y la verité y la vita;  
degügn ne röia dal Pere ater co tres mè.  
Canch'i m'arëis conesciü, conesciarëise  
incé mi Pere. Bele sëgn le conescëise y  
l'ëise odü. Filipus ti à dit: Signur,  
móstresse le Pere; chësc nes basta.  
Gejù ti à respognü: Bele tan dî sunsi pro  
os, y te ne m'as nia conesciü, Filipus?  
Chël che à odü mè, à odü le Pere. ...



"Chël che m'á odü me, á odü le Pere." Chëstes parores nes dij döt.  
Ares nes dij cina incö val' d'important y d'essenzial de Chël Bel Dî.  
Chël che á odü le möt tla ciané y l'ël söla crusc, á odü Chël Bel Dî.  
Chël che á odü Gejù rumpin le pan, á odü so Pere.  
Chël che á aldí les beatitús dla pordica de Gejù söla munt  
y la parabola dl fi pordü, á aldí Chël Bel Dî instës.  
Ince sce i atri vangelisç scrí y cunta y ne le dij nia tan tler,  
dij impó düc le medemo: Gejù é le Fi de Dî.  
Chël che le vëiga y l'alda, vëiga y alda Chël Bel Dî.  
Chësc dess nes fá bun a nos y a nostes comunités.  
Te Gejù nes lomina Chël Bel Dî, cina incö. Fortuná chi che s'al tol a cör. *Image*

EDEMA - A	SAN MARTIN	LUNGIARÜ
03.05.26 5 <sup>a</sup> DOMËNIA DE PASCA-A <i>Apostui Filip y Iaco</i>	9.10 Prozesciun de San Florian a Picolin 10.00 Gran Mëssa por la comunité ( <i>don Marco</i> ) + + + suor Maria Dolores Erlacher, siur Vito Rubatscher, vësko Karl Golser 19.30 Corona de ma sô Ju	7.50 Corona de ma 8.15 Gran Mëssa por la comunité dl ann + Rita Zingerle +Iarone Rungger aniv. + Emilia Nagler
04.05.26 <i>Florian, Valeria</i> Lönesc	19.30 Corona de ma a Picolin	
05.05.26 Dedolönesc <i>Sigrid, Romana</i>	8.00 Mëssa + Matí Tolpeit püres animes y tomá te vera 19.30 Corona de ma it'a Bioch	19.30 Corona de ma tla capela de S. Ojöp da Oies
06.05.26 <i>Antonia, Gundula</i> Dedemesaledema	20.00 Corona de ma sô Frëina/Mirí	7.30 Mëssa defunc de Camura + Hilda Pezzei
07.05.26 <i>Gisela, Virginia</i> Jöbia	19.00 Mëssa + Tone Tolpeit, dl ann vis y defunc familia Trebo, Pension Tor	19.30 Corona de ma fora dala Grota
08.05.26 <i>Friedl, Ulrica</i> Vëndres	18.30 Adoraziun chîta 19.00 Adoraziun deboriada	
09.05.26 Sabeda <i>Beatus, Luisa de Marillac</i>	18.30 Mëssa prefestia ( <i>don Marco</i> ) 2 <sup>a</sup> de sopoltöra + Emma Costabiei + Pire Erlacher dl Cheder, dl ann	
10.05.26 6 <sup>a</sup> DOMËNIA DE PASCA-A  <i>De dla Uma</i>	9.30 Corona por vocaziuns ( <i>prou da Oies</i> ) 10.00 Gran Mëssa por la comunité por dotes les umes siur Merch Graffonara y siur Angel Morlang + + Giovanni y Teresa Flöss 19.30 Corona de ma sô Ju	7.50 Corona de ma ( <i>pater da Oies</i> ) 8.15 Gran Mëssa por la comunité por la Uniun dles Ères + + de Iachin dl ann + Iaco Mischi

### LUNGIARÜ

Al vëgn bel periè do le contribut por la cöra por l'ann 2026: A vigni ciasa/familia vëgnel partí fora la proscima edema na plata cun informaziuns sön le contribut dla cöra y le bilanz dla cöra. I inviun dër bel düc da daidè para da fá frunt ales gran spëises por le scialdé y i sorvisc incër dlìjia! Le contribut pó gní dé jö en domënia, ai 10 de ma 2026, cun l'oferta tran mëssa o do mëssa te colonia! Sambëgn pó ince le contribut gní paí ite tres la Cassa Raiffeisen  
IBAN: IT 63 K 08010 58830 000304004931. Danfora n dilan fort a düc!

*Le consëi de aministraziun*



*I periun do l'intenziun dl Papa  
tl mëis de ma*

*por che düc ais da mangé*

*I periun che düc, dai gragn produzënc  
cina ai pici consumadus, ciarès da ne  
sprehé nia mangiaria  
y che vigni porsona ciafes na buna  
alimentaziun.*

**Ma - mëis dediché a Santa Maria**

Maria, t'es amesa  
la comunité di  
credënc, te prëies  
cun nos do le  
Spirit de Dî,  
te ciantes la  
ciantia dl'umilté,  
te laldes Idî cun  
döta túa vita,  
te fejes döt ci che Gejú dij, te soportes  
ince le maiú dolur, te vëgnes tlamada  
beata ciodiche t'as cherdü, te i as  
respognü al amur de Dî cun túa vita.  
Maria, nosta so tla fede, prëia por nos!



**3 de ma 2026 - De dl surasfrutamënt**

*Ai 3 de ma de chësc ann unse arjunt  
tl'Italia le momënt, olach'i un adoré  
sö bele sëgn ci che la tera y la natöra  
é buna da regeneré te n ann.  
Chësc ó dí che dai 3 de ma inant  
viunse de ci ch'i importun da d'atri  
stac y de ci che toma a pëis dles  
generaziuns che vëgn do da nos.  
Porchël nes inviëia la Dlijia da  
surantó nosta responsabilité de coch'i  
sfrutun y laurun cun les ressurses dla  
tera y dla natöra. (Diozeja Bals. Pors.)*